

आकाशवाणी

खबरां -----

- प्रधानमंत्री नरेन्द्र मोदी होरें आक्खेया जे भारत अंतरिक्ष क्षेत्र च अग्रणी तकनीकें च तेजियां कन्नै अगड़ा बदा रदा ऐ।
- कृषि मंत्री शिवराज सिंह चौहान होरें आक्खेया भारतीय अंतरिक्ष अनुसंधान संगठन (इसरो) दा Geo-Portal करसानें गी मौसम ते फसल योजना च मदद करोग।
- भारतीय डॉक नै 25 अगस्त थमां अमेरिका लेई डॉक सेवां आरजी तौरा पर रोकी दिती ऐ।
- विदेश मंत्री डाक्टर एस. जयशंकर होरें आक्खेया जे अमेरिका कन्नै बपार वार्ता अजें बी जारी ऐ। सरकार देसा दे हितें दी रक्षा लेई वचनेबज्झी दी ऐ।
- उत्तराखंड दे चमोली जिले दे थराली च बददल फटटने कन्नै बड्डे पैमान पर नुक्सान होआ। भारतीय मौसम विभाग नै अगले दंऊ-त्रऊ दिनें तक्कर समूलचे उत्तरी ते पूर्वी भारत च भारी थमां मती भारी बरखा दी भविक्खवाणी कीती।
- ते श्रीनगर दी मशहूर डल झील च “खेलो इंडिया जल खेड्ड उत्सव” दा समापन मध्य-प्रदेश मैडल तालिका च अब्बल थाहर पर ऐ।

<><><><><><>

PM -Gaganyan Mission

प्रधानमंत्री नरेन्द्र मोदी होरें अज्ज आक्खेया ऐ जे भारत सैमी-कायोजेनिक ईजन ते इलैक्ट्रानिक प्रोपल्शन जनेही महत्वै आली तकनीकें च तेजिया कन्नै अगड़ा बदा रदा ऐ ते तौले गै गगनयान मिशन लांच करोग। प्रधानमंत्री होरें जोर देइयै आक्खेया जे औने आले समें च भारत अपना अंतरिक्ष स्टेशन

बनागा। इक विडियो सनेहे च प्रधानमंत्री होरें राष्ट्रीय अंतरिक्ष दिवस दे मौके पर वैज्ञानिकें ते सभनें युवाएं सनें अंतरिक्ष क्षेत्र कन्नै जुड़े दे सभनें लोकें गी शुभकामनां दितियां। श्री मोदी होरें आक्खेया जे घट्ट समें च गै राष्ट्रीय अंतरिक्ष दिवस युवाएं च जोश ते आकर्षण दा विषय बनी गया ऐ। प्रधानमंत्री होरें अग्रे आक्खेया जे अंतरिक्ष क्षेत्र इक दे मगरा इक नमीं उपलब्धियां हासल करा रदा ऐ ते पिच्छले 11एं बरें च सरकारै अंतरिक्ष क्षेत्र च केई सुधार कीते न। मोदी होरें जिक्र कीता जे अंतरिक्ष तकनीक बी भारत च शासन दा इक अभिन्न अंग बना रदी ऐ।

<><><><><><>

Shivraj ISRO

राई-बाई ते करसान कल्याण मंत्री शिवराज सिंह चौहान होरें आक्खेया ऐ जे भारतीय अंतरिक्ष अनुसंधान संगठन (इसरो)- नै इक भू-पोर्टल विकसित कीता जे जेड़ा सुखे, बरखा, मौसम ते होर दुए मापदंडे पर स्टीक जानकारी प्रदान करदा ऐ, जेदे कन्नै करसानें गी अपनी फसलें दी योजना मते असरदार ढंगै कन्नै बनाने च मदद थोन्दी ऐ। नमीं दिल्ली च राष्ट्रीय अंतरिक्ष दिवस समारोह दे इक सत्र गी वर्चुअल सम्बोधित करदे होई, उनें करसानें दे समर्थन च उन्दे योगदान लेई भारतीय अंतरिक्ष वैज्ञानिकें दी बड़ेयाई कीती। उपग्रह आधारित रिमोट सेंसिंग पर लौ पांदे होई, मंत्री होरें आक्खेया जे सरकार गी हून फसल नुक्सान दे स्टीक आंकड़े मिलदे न।

<><><><><><>

US Ambassador

अमरीका दे राष्ट्रपति डोनाल्ड ट्रम्प होरें अपने करीबी सहायक सर्गियो गोर गी भारत च अमरीका दे राजदूत ते दक्खन ते मध्य एशिया कम्में आस्तै विशेष दूत दे तौर पर नियुक्त करने दी घोषणा कीती ऐ।

<><><><><><>

GST Council

GST परिषदी दी 58मीं बैठक अगले महीने दी 3 ते 4 तरीक गी नमीं दिल्ली च लगगो। केन्द्रीय खजाना मंत्री निर्मला सीतारमण होर इस बैठक दी प्रधानता करगं।

<><><><><><>

Postal Articles

संचार मंत्रालय दे तैहत डॉक विभाग नै 25 अगस्त थमां अमेरिका जाने आली सब्भै डॉक समेयान पर आरजी तौरा पर रोक लाने दा फैसला कीता ऐ। एहू फैसला अमेरिका सरकार दे इक कार्रकारी आदेश दे बाद लैता गया ऐ, जेदे तैहत 800 डालर तक्कर दे मुल्ल दे समेयान पर, शुल्क-मुक्त छूट 29 अगस्त थमां वापस लेई लैती जाग। संचार मंत्रालय नै इक विज्ञप्ति च आक्खेया जे अमेरिका जाने आला सब्भै अंतराष्ट्रीय डॉक समेयान, पावे उन्दा मुल्ल किश बी होए, देश विशिष्ट अंतराष्ट्रीय आपातकालीन आर्थिक शक्ति अधिनियम दे टैरिफ ढांचे दे मताबक सीमा शुल्क दे अधीन होए, हालाके 100 डालर तक्कर दे तोहफे आली चीजें गी एहूदे थमां छूट होग।

<><><><><><>

EAM India –US Trade

विदेश मंत्री डाक्टर एस. जयशंकर होरें आक्खेया ऐ जे भारत-अमेरिका बपार वार्ता अजें बी जारी ऐ। उनें आक्खेया जे सरकार देसा दे करसानें ते लौहके उत्पादकें दे हितें दी रक्षा लेई वचनेबज्झी दी ऐ। अज्ज नमीं दिल्ली च ET World Leaders Forum -2025 गी सम्बोधित करदे होई मंत्री होरें आक्खेया जे भारत, अमेरिका कन्नै गल्लवात च अपने बन्ने दी हद गी लेइयै स्पष्ट ऐ ते अपने राष्ट्रीय हित च फैसला लैग। तेल आयात ते बंदिशें पर मंत्री होरें आक्खेया जे इस्सी तेल दे मुद्दे दे तौरा पर पेश कीता जन्दा ऐ, पर इस्सी हून बी सब्भनें थमां बड्डे आयातक-चीन पर लागू नैई कीता गया ऐ। उनें आक्खेया जे भारत गी निशाना बनाने लेई इस्तेमाल कीते जाने आले तर्क चीन पर लागू नैई कीते गे न। उनें भारत दी रणनीतिक स्वायत्तता पर जोर दिंदे होई आक्खेया जे लैते गेदे फैसले देश हित च न।

उनें गलाया जे सरकार आत्मनिर्भरता पर चेचा जोर देआ रदी ऐ। भारत-पाकिस्तान रिश्ते पर बोलदे होई डाक्टर जयशंकर होरे आक्खेया जे 1970 दे दहाके थमां मध्यस्थता दे मुद्दे पर यानि हून, 50 थमां बी मते बरे थमां इस मुल्लव च इक राष्ट्रीय सहमति ऐ जे भारत-पाकिस्तान दे कन्नै अपने सरबंघे च मध्यस्थता स्वीकार नेंई करदा।

<><><><><><>

CBI Raids

केन्द्रीय जांच ब्यूरो नै इक कथित धोखाधड़ी मामले च मुम्बई च अनिल अम्बानी कन्नै जुड़े परिसरे च छापे मारे न। एह मामला इक कथित धोखाधड़ी कन्नै जुड़े दा ऐ, जेदे नतीजन भारतीय स्टेट बैंक गी 2 हजार करोड़ रुपें दा नुक्सान होआ। एह छापेमारी SBI दी इक शिकायत दे मगरा कीती गई ऐ, जेदे च 13 जून गी कम्पनी ते ओहदे प्रमोटर गी धोखाधड़ी दे रुप च रक्खेया गया ऐ।

<><><><><><>

SIA OGW

कश्मीर च राष्ट्रीय जांच एजेंसी (SIA) नै बंदश आले आतंकवादी गुट हिजबुल मुजाहिदीन आस्तै स्लीपर सैल दे रुपै च कथित भूमिका दे कारण शोपिया दे दहराम इलाके थमां इक ओवर ग्राउंड वर्कर अलताफ हुसैन वागे गी गिरफ्तार कीता ऐ। SIA जम्मू-कश्मीर नै सोशल मीडिया पोस्ट च गिरफ्तारी दी जानकारी दिती ऐ। अधिकारियें दस्सेया जे वागे दे पाकिस्तान च स्थित इक आतंकवादी कन्नै कथित सरबंघ हे ते ओ राष्ट्र दे खिलाफ गतिविधियें ते अलगाववादी विचारें गी बढ़ावा देने दे कन्नो-कन्नी देशे दे खिलाफ साजिश रचने च शामिल हा। अधिकारियें इस गिरफ्तारी गी बन्ने पार आतंकवादी नैटवर्क कन्नै जुड़े दे आतंकवादी स्लीपर सैलें गी खत्म करने दी कोशिश च इक महत्वपूर्ण सफलता करार दिता ऐ।

<><><><><><>

अज्ज पूरे मुल्यवै च दूआ राष्ट्रीय अंतरिक्ष ध्याड़ा मनाया जा रदा ऐ। 2023 बरे च इससै दिन चन्द्रयान-3 दे विक्रम लैंडर नै ते प्रज्ञान रोवर नै चन्नै पर सफलता कन्नै लैंड कीता हा।

<><><><><><>

Uttarakhand Rains

उत्तराखंड दे चमोली जिले दी थराली तहसील च कल चीरे रातीं होई दी भारी बरखा दे मगरा राहत ते बचाव कम्म जारी ऐ। साढ़े संवाददाता होरें जानकारी दिती ऐ जे चानचक्क होई दी बरखा करी टुनरी नदी दे पानी दा स्तर बदी गया ऐ, जेदे नै मलबा थराली बाजार क्षेत्र दे किश हिस्सें सनें केंई घरे-मकानें च आई बढेया ऐ। मुखमंत्री पुष्कर सिंह धामी होरें संबन्धत अधिकारियें गी थराली च राहत ते बचाव कम्म तेजी कन्नै करने दे हुकम दिते न। उनें नुकसान दा आंकलन करने लेई चमोली जिले दे मुकामी प्रतिनिधियें कन्नै बी टेलिफोन पर गल्लबात कीती ते उन्दे थमां प्रशासन दे जतनें च सहयोग करने दी गुजारिश कीती।

<><><><><><>

Rajnath Singh Visit

रक्षामंत्री राजनाथ सिंह होर कल किशतवाड़ दे चशोती ग्रां दा दौरा करगंन, जित्थे ओ बददल फटने दी घटना दे बाद चला रदे तलाशी ते राहत कम्में दा जायजा बी लैगंन। गौरतलब ऐ जे चशोती च बददल फटने दे नतीजन केंई लोकें दी मौत होई गई ही ते मते सारे लापता होई गे हे। फौज दे जम्मू खेतर दे जन-सम्पर्क अधिकारी लैफ्टिनेंट कर्नल सुनील वर्तवाल होरें आकाशवाणी समाचार कन्नै गल्ल करदे होई जानकारी दिती जे रक्षा मंत्री कल जम्मू थमां चसोती लेई रवाना होगंन ते उत्थे मौजूदा स्थिति दा जायजा लैगंन। रक्षा मंत्री होर चशोती च आपदा शा प्रभावित परोआरें कन्नै गल्लबात बी करगंन। रक्षामंत्री हुंदी यात्रा गी सुचारु ते सुरक्षित बनाने आस्तै किशतवाड़ जिले च सुरक्षा बंदोबस्त कड़े करी दिते गे न।



Weather

भारतीय मौसम विभाग नै आक्खेया ऐ जे अगले दंऊ-त्रंऊ दिनें तक्कर दिल्ली- NCR, बिहार, झारखंड, छत्तीसगढ़, पंजाब, उत्तराखंड ते उत्तरी क्षेत्र च केई थाहरें पर भारी थमां मती भारी बरखा बरने दी संभावना ऐ। मौसम विभाग मुजब संगारे थमां गुजरात क्षेत्र च बी बारिश होने दी मेद ऐ। ओडिशा, तमिलनाडू, पुडुचेरी, कराईकल, उत्तर-प्रदेश ते पच्छिम बंगाल च बी इसै चाली दे हालात बने रौहने दा अनुमान ऐ।



Reasi Landslide

अज्ज बडुलै मूहं न्हरे रियासी दी माहौर थाहरै मलाई नाला जिमी खिसकने करी इक गड्डी दे ड्राईवर दी मौत होई ते दंऊ होर जख्मी होई गे। घायलें गी धरमाड़ी आले प्राईमरी हैल्थ सैन्टर लेता गया जित्थे डाक्टरें ड्राईवर गी मृत आंदे दा घोषित करी दिता। ड्राईवर दी पंछान जमलान दे बसनीक शाहबाज अहमद दे तौरा पर कीती गई ऐ। घाल होने आलें च कनसूली दे बसनीक मोहम्मद हुसैन दा पुत्तर जावेद ते अब्दुल गनी शामिल न। तोंआई पुलिस अपनी कारवाई करा रदी ऐ।



Weather

मौसम विभाग दी पेशगोई मुजब अगले 48एं घैंटे च डोडा- जम्मू, कठुआ, किशतवाड़, पुंछ, राजौरी, रामबन, रियासी, साम्बा, उधमपुर, अनंतनाग ते कुलगाम सनें केई थाहरें पर भारी बरखा पेई सकदी ऐ। अधिकारियें विशेष रुप कन्नै जम्मू संभाग च संभावित बददल फटने, चानचक्क हाड़े ते लास-पस्सियां पौने दी चेतावनी बी दिती ऐ। जारी कीती गेदी चेतावनी 25 अगस्त तक्कर लागू रौहगा। लोकें

गी सलाह दिती जन्दी ऐ जे ओ सौहगे सर्तक रौहन ते लाजमी एहतियात बरतन। लोक आपदा आली स्थिति दौरान 112 नम्बर पर फौन करी सकदे न।

<><><><><><>

KIWS

अज्ज श्रीनगर दी डल झीलै च सम्पन्न होए दे पैहले-पैहले खेलो इंडिया जल खेडु उत्सव च मध्य-प्रदेश नै सब्भनें शा बद्ध तगमें हासल करियै अंकतालिका च पैहली थाहर हासल कीती ऐ। ओडीशा दूई थाहरा पर जिस्सलै के केरल त्री थाहरै पर रेया। मध्य-प्रदेश नै 18 तगमें जिते जेदे च 10 सुन्ने दे, त्रै चांदी दे ते 5 कै दे तगमे न। जिस्सलै की ओडिशा नै 10 तगमें जिते जिंदे चा 4 सुन्ने दे, 5 चांदी दे ते इक कै दा ऐ। केरल नै अपनी झोली च 7 मैडल पाए, जिंदे च त्रै सुन्ने दे, इक चांदी दा ते इक कै दा ऐ।

<><><><><><>